

Powšitkowne WOZJEWJENJA

njedželu, 1. awgusta 2021

Wusyłanje Božeje mšě

Serbskorěčnu Božu mšu móža wěriwi tutu njedželu, 1. awgusta, znowa jako livestream w interneće scěhować. Wona přenese so w 9 hodž. z Chróšćanskeje cyrkweje. Link na nju je pod www.posol.de a na wosadneje stronje podaty.

Potrjechenym powodženja w zapadže pomhać

Za wopory powodženja w zapadneje Němskej zahaji Towarstwo Cyrila a Metoda z.t. (TCM) ze swojej akciju „Łužica pomha“ po pomocy za wopory tornada na Morawje dalšu zběrku. Wone hromadži nětko za potrjechenych wosady we Weilerswisće juhozapadnje Kölna. Tam bydlaca młoda serbska swójba je zwisk sposrědkowała. Nadrobnje je tole w Katolskim Posole 25. julija (čísło 29) wopisane. Pjenježne dary móža so na konto Cyrill-Methodius-Verein e.V., IBAN: DE 65 750 90 300 000 828 23 66, pod hesłom „Weilerswis“ přepokazać. Štóż swoju dospołnu adresu poda, tomu wustaji TCM darowanisku kwitowanku. Ta so z přepokazanjom awtomatisce sobu njepoda.

Medijowy poskitk džěćom a młodostnym z Michałom Cyžom a redakciju Katolskeho Posoła

Młodži medijowi skawća a zajimcy digitalnych medijow su nětkole w prózdninach na tři workshopy přeprašeni, kotraž wotměja so srjedu, štwórtk a pjatk, 11., 12. a 13. awgusta, wšědnje wot 9 do 15 hodž. Při tym póndže mjez druhim wo fotografowanje – samo panoramowe w 360 stopnjach –, ale tež synchronizowanje a zwukowe natočenje runje tak kaž wo programěrowanje, a to w nowym medijowym studiju Budyskeho Serbskeho domu. Zajimcy měli so hač do póndžele, 9. awgusta, pola socialneje džěłaćerki Claudije Kilankec w Budyskim Rěčnym centrumje WITAJ (RCW) pod číslom (0 15 20) 1 09 90 38 abo z mailku na Claudia.Kilankec@Witaj.Domowina.de přizjewić a zdobom zdžělic, hač je transport do Budyšina trěbny. Workshopy z Michałom Cyžom wotměja so w Budyšinje kaž tež na wsach a w přirodže. Projektowa partnerka je redakcija Katolskeho Posoła.

Wustajeńca wo smjertnych rubach Chrystusowych

Kulowska wosada přeprašuje na wustajeńcu wo smjertnych rubach Chrystusowych. Ta budže wot tuteje njedžele, 1. awgusta, do póndžele, 30. awgusta, w Kulowskej Křižnej cyrkwi na Budyskej 32 přistupna. Zestajało je ju towarstwo PENUEL, kotraž rozumi so jako kruh přećelow wěrneho wobliča Jězu Chrysta. Wone přeslědžuje historiske smjertne rube a prócuje so wo to, je zjawnosći spřistupnić. Čłonojo tohole towarstwa z wjacorych europskich krajow zetkaja so wot pjatka do njedžele, 13. do 15. awgusta, w Kulowje k swojemu lětnemu schadźowanju. Kolpingowa swójba a druge skupiny wustajeńcu přewodžeja a podpěruja.

Wjacore swjedzenje w klóštrje naraz

Wobšěrny program wočakuje wopytowanjarow klóštra Marijineje hwězdy sobotu a njedzelu, 14. a 15. awgusta. Zahrodowu nóc „W swětle 1.000 swěčkow“ nachwataja sobotu wot 19 hodź. na zelowej zahrodze. Ta bu 17. julija špatneho wjedra dla na pozdžiši termin přestorčena. Njedzelu, 15. awgusta, wotměje so potom lětuši Klóšterski a swójbny swjedzeń Budyskeho wokrjesa, zwjazany z tradicionalnej „zelowej njedzelu“ k swjedzenjej Marije donjebjeswzaća, kotryž cyrkej na tym dnju swjeći. Ekumeniski nyšpor budže w 17.30 hodź. Regionalne a přirodowe wiki zahaja so hižo w 11.00 hodź., program Klóšterskeho a swójbneho swjedzenja w 12.00 hodź.

Wulět młodostnych do Sakskeje Šwicy

Dekanatne dušepastyrstwo młodžiny přeprašuje młodostnych ze wšěch serbskich wosadow wot přichodneho 9. lětnika na zhromadny wulět do Sakskeje Šwicy, a to njedzelu, 19. septembra. Wotjězd budže něhdže w 12 hodź., nawrót je w 20 hodź. planowany. Přinošk we wysokosći 20 eurow wopřija jězbu z busom, jědz a jězbu z čołmom. Přizjewjenja přijimuju so hač do pónđzele, 30. awgusta, online. Wotpowědny link k tomu je pod www.posol.de podaty. Dokładny plan wotjězda busa so po 30. awgusće přizjewjenym wosobinsce zdžěli.

Jězba z busom do Bayerskeje

Na serbsku busowu jězbu wot pónđzele do pjatka, 6. do 10. septembra, přeprašuje Radworske Šmitec busowe wozydłownistwo. Duchowny nawod změje farar Gerat Wornar, organizatoriski Borbora Młynkowa. Planowane stacije su mjez druhim Dachau, Neuschwanstein a Füssen, Andechs, Ottobeuren a na dompuću Coburg. Přizjewjenja přijimuje Šmitec wozydłownistwo, telefonowe čisło (03 59 35) 28 60.

Z busom do Krupki kemši

Na putniku Božu mšu srjedu, 25. awgusta, w 10 hodź. w Krupce pojedže zaso bus. Štóž chcył sobu jěć, měł so w Šmitec wozydłownistwje w Radworju přizjewić, telefonowe čisło (03 59 35) 28 60.